



অবিলম্বে প্রকাশের উদ্দেশ্যে: 12/23/2019

গভর্নর অ্যাঙ্কু এম. কুওমো

গভর্নর কুওমো ছুটির দিনগুলিতে রাস্তায় মানুষের যাতায়াত যখন বেড়ে যায় সেই সময়ে নির্মাণ কাজের কারণে রাস্তা বন্ধ রাখার উপরে নিষেধাজ্ঞা জারি করেছেন

মানুষের যাতায়াত সর্বাধিক হয় তখন অ-অপরিহার্য লেনগুলি বন্ধ রাখা চলবে না

ড্রাইভারদের নিরাপদে গাড়ি চালানোর কথা মনে করিয়ে দেওয়া হচ্ছে, অমনোযোগী না হয়ে গাড়ি চালাবেন না এবং আপৎকালীন প্রতিক্রিয়াকারীদের জন্য পথ ছেড়ে দিন

গভর্নর অ্যাঙ্কু এম. কুওমো আজ ঘোষণা করেছেন যে নিউ ইয়র্ক স্টেট মহাসড়কগুলিতে সড়ক ও সেতু নির্মাণ প্রকল্পের জন্য অস্থায়ীভাবে লেন বন্ধ করা আগামী দুই সপ্তাহে যখন মানুষের যাতায়াত ছুটির ভ্রমণ সময়কালে বেড়ে যায়, স্থগিত করা হবে, যা মোটরচালকদের জন্য ভ্রমণ সহজতর করতে পারে। নির্মাণ কাজের উপরে নিষেধাজ্ঞা জারি করা গভর্নর কুওমোর ড্রাইভার্স ফার্স্ট (Drivers First) উদ্যোগের সাথে সংগতিপূর্ণ, যা চালকদের সুবিধার্থে রাস্তা এবং ব্রিজের কাজের কারণে যানজট এবং পৌঁছাতে দেরি হওয়ার মতো সমস্যা কমানোকে অগ্রাধিকার দেয়।

"অনেক পরিবার ছুটির দিনে ভ্রমণ করবে এবং আমরা চাই যে সবাই নিরাপদে তাদের গন্তব্যে পৌঁছবেন কোনো বড় ধরনের বিলম্ব ছাড়াই," **গভর্নর কুওমো বলেন।** "যানজট নিরসনে সাহায্য করার জন্য আমরা যখন ছুটির ভ্রমণের দিনগুলিতে যখন মানুষের যাতায়াত বেড়ে যায়, তখন রাজ্য সড়কগুলিতে নির্মাণকাজ স্থগিত রাখছি। রাজ্যের বিভিন্ন প্রান্তের অনেক টেক্সট স্টপ, বিশ্রামের এলাকা ও সেবা ক্ষেত্রগুলো চালকদের কাজে লাগাতে হবে, এবং সর্বদা একটিসুখী, নিরাপদ ছুটির মৌসুম তৈরি করতে সাহায্য করার জন্য নেশামুক্ত হয়ে গাড়ি চালাতে হবে।"

অস্থায়ী লেন বন্ধের পিছনে সমস্ত সড়ক নির্মাণ কাজ বন্ধ থাকছে মঙ্গলবার সকাল 6টা ডিসেম্বর 24 থেকে বৃহস্পতিবার সকাল 6টা ডিসেম্বর 26 পর্যন্ত। মঙ্গলবার সকাল 6টা ডিসেম্বর 31 থেকে বৃহস্পতিবার সকাল 6টা জানুয়ারি 2 পর্যন্ত নির্মাণ কাজ স্থগিত রাখা হবে। কংক্রিটের স্থায়ী বাধার এর পেছনে অথবা জরুরি মেরামতের কারণে কিছু কাজ চলতে পারে।

পূর্বের ট্রাফিকের মাত্রা অনুসারে সুনির্দিষ্ট কিছু ফ্রাওয়ার্ড প্রজেক্টে সামান্য পার্থক্য থাকবে। ছুটির দিনের পুরো সপ্তাহান্ত জুড়ে ফ্রাওয়ার্ড লেন বন্ধ থাকার এক বিস্তারিত সূচি [এখানে](#) আছে।

AAA-রমতে, এই বছর রেকর্ড ভেঙে দেওয়া সংখ্যক আমেরিকান, 104.8 মিলিয়ন, এ বছর তাদের ছুটির গন্তব্যের উদ্দেশ্যে গাড়ি চালাবেন, যা গত বছরের তুলনায় 3.9 শতাংশ বৃদ্ধি।

নিউ ইয়র্কবাসীদের স্মরণ করানো হয়েছে যে রাজ্য এবং স্থানীয় আইন প্রয়োগকারীরা জাতীয় "[ড্রাইভ সোবার অর গেট পুন্ড ওভার](#)" (Drive Sober or Get Pulled Over) প্রচারাভিযানে অংশগ্রহণ করছেন, যা বুধবার, 01 জানুয়ারী 2020 পর্যন্ত চলবে। মোটরচালকেরা ছুটির ভ্রমণ মৌসুমের সময় সড়কপথে মদ্যপ অবস্থা চেকপয়েন্ট এবং রাস্তায় আরো নিউ ইয়র্ক স্টেট ট্রুপার দেখতে আশা করতে পারেন। নিউ ইয়র্ক স্টেট ফ্রুওয়ে অথরিটি (New York Thruway Authority) নিরাপদ এবং সতর্ক ড্রাইভিং প্রচার করতে নিউ ইয়র্কের ফ্রুওয়ে জুড়ে নব বর্ষের পূর্ব রাত 11টা থেকে নব বর্ষের দিন সকাল 7টা পর্যন্ত 27 টি ভ্রমণ প্লাজায় যাত্রীদের বিনামূল্যে কফি ও গরম চা প্রদানে করার 49 বছরের ঐতিহ্যকে অব্যাহত রাখবে।

মোটর চালকদের টেক্সট করতে, ফোন কল করতে এবং গাড়ি চালানোর সময় সম্ভব নয় এমন অন্যান্য সব কাজ করতে রাজ্য জুড়ে থাকা 64 টেক্সট স্টপ, তার পাশাপাশি সার্ভিস এরিয়া, বিশ্রামের জায়গা এবং স্বাগতম কেন্দ্র ব্যবহার করার জন্য বলা হচ্ছে।

মোটরযান চালকদের আইন প্রয়োগকারী কর্তৃপক্ষের গাড়ি, আগুন নেভানোর ট্রাক, অ্যান্ডুলেঙ্গ, টো ট্রাক এবং সড়কের পাশে থেমে থাকা নির্মাণ অথবা রক্ষণাবেক্ষণের গাড়িগুলির জন্য মুভ ওভার ল (Move Over Law) মেনে চলতে অনুরোধ করা হচ্ছে, এই আইন অনুযায়ী মোটরযান চালকদের গাড়ি চালানোর সময়, উপরোক্ত গাড়িগুলির জন্য গাড়ির গতি কম করা এবং নিরাপদ জায়গা পেলে পথ ছেড়ে দেওয়া বাধ্যতামূলক।

নিউইয়র্ক স্টেট পরিবহন বিভাগের কমিশনার ম্যারি থেরেস ডোমিঙ্গো বলেন, "ছুটির ঋতু বছরের একটি আনন্দের সময় যা সব চেয়ে ভালভাবে কাটে বন্ধু এবং পরিবারের সাথে উদযাপন করে - নির্মাণ সংক্রান্ত ট্রাফিকের ফলে বিলম্বিত হওয়ার বদলে। গভর্নর কুওমোর ড্রাইভার্স ফার্স্ট প্রোগ্রাম মোটর চালকদের অগ্রাধিকার দেয়, তাদের দ্রুত এবং নিরাপদে গন্তব্যগুলির মধ্যে যাতায়াত করতে সাহায্য করে। নিউইয়র্ক স্টেট ডিপার্টমেন্ট অব ট্রান্সপোর্টেশনের (New York State Department of Transportation) নিবেদিত দলের পক্ষ থেকে আমি সবাইকে অনুরোধ করছি নির্বিঘ্নে গাড়ি চালিয়ে ছুটি উপভোগ করতে।"

নিউ ইয়র্ক স্টেট ফ্রুওয়ে অথরিটি-এর এক্সিকিউটিভ ডিরেক্টর ম্যাথিউ জে. ডিসকোল বলেন, "এই ছুটির ভ্রমণ মৌসুমে রাস্তায় রেকর্ড সংখ্যক ভ্রমণার্থীদের আশা করা হচ্ছে, গভর্নর কুওমোর এই পিক ভ্রমণের সময় নির্মাণ কাজ বন্ধ করার উদ্যোগ বিলম্ব থেকে মোটর চালকদের কিছুটা স্বস্তি দেবে। আমরা মোটর চালকদের তাদের ভ্রমণের সময় নিরাপত্তাকে অগ্রাধিকার দিতে অনুরোধ করছি, এবং সতর্ক থাকতে এবং যখন তারা রাস্তায় প্রতিক্রিয়াকারী বা শ্রমিকদের দেখতে পাবেন, গাড়ীর গতি ধীর করতে এবং নিরাপদ হলে জায়গা ছেড়ে দেবার কথা মনে রাখতে অনুরোধ করছি। তারাও তাদের প্রিয়জনদের সঙ্গে ছুটি কাটাতে চান।"

ডিপার্টমেন্ট অফ মোটর ভেহিকেলস (Department of Motor Vehicles) এর কমিশনার এবং গভর্নরের যানবাহন নিরাপত্তা কমিটির (Governor's Traffic Safety Committee) সভাপতি মার্ক জে.এফ. প্রোডার বলেন, "গভর্নর কুওমোর ড্রাইভার্স ফার্স্ট প্রোগ্রামকে ধন্যবাদ, বড়দিন এবং নববর্ষের ছুটির সময় আমাদের সড়কপথে ভ্রমণ করা অনেক নিরাপদ এবং কম চাপের হবে। আমি সব মোটর চালকদের এই ঋতুতে এবং সারা বছর জুড়ে দায়িত্বশীলভাবে গাড়ি চালাতে অনুরোধ করছি। বিভ্রান্তি এড়িয়ে চলুন, কখনও মদ্যপান করে গাড়ি চালাবেন না। এবং রাস্তার পাশে আপৎকালীন যানবাহন, টো ট্রাক বা নির্মাণ গাড়ির জন্য সরে যান। সকল নিউ ইয়র্কবাসীদের নিরাপদ এবং সুখী ছুটির মৌসুম কামনা করার জন্য গভর্নর কুওমোর সাথে আমি যোগদান করছি।"

নিউ ইয়র্ক স্টেট পুলিশের (New York State Police) সুপারিন্টেনডেন্ট কিথ এম. কোরলেট বলেন, "ছুটির মৌসুম মানে আমাদের সড়কগুলোতে ট্রাফিক ভলিউম বেড়ে যাওয়া এবং সবাই যাতে তাদের গন্তব্যগুলিতে নিরাপদে যাতায়াত করতে পারেন তা নিশ্চিত করার জন্য ট্রুপারদের বলবৎ করা হবে। আমরা ড্রাইভারদের তাদের দায়িত্ব পালন করতে অনুরোধ করছি মোবাইল ডিভাইস রেখে দিয়ে নিরাপদে বাড়ি ফেরার জন্য আগে থেকে পরিকল্পনা করতে যদি আপনার ছুটির উৎসবে মদ্যপান অন্তর্ভুক্ত হয়। রাস্তা নির্মাণ বন্ধ করা হলেও, মোটর চালকদের তাও ওয়ার্ক জোনের মধ্যে সতর্কতার সাথে চালানো উচিত এবং সব পোস্ট করা গতি সীমা মেনে চলা উচিত।"

থ্রুওয়ে অথোরিটি মোটরচালকদের তাদের মোবাইল অ্যাপ ডাউনলোড করতে উৎসাহিত করে যা iPhone ও Android ডিভাইসে ডাউনলোড করতে বিনামূল্যে উপলভ্য। অ্যাপটি মোটরযান চালকদের প্রকৃত-সময়ে ট্রাফিক এবং দিক-নির্দেশনা সহায়তা লাভের সরাসরি সুযোগ প্রদান করে। এছাড়াও মোটরচালকরা TRANSalert ইমেইলের জন্য সাইন আপ করতে পারেন [এখানে](#), যা থ্রুওয়ে জুড়ে সর্বশেষ ট্রাফিক পরিস্থিতি প্রদান করে।

রিয়েল-টাইম ভ্রমণের তথ্যের জন্য, যাত্রীদের ভ্রমণের আগে নিউ ইয়র্ক স্টেটের আনুষ্ঠানিক ট্রাফিক এবং ভ্রমণ তথ্য উৎস, 511NY, চেক করা উচিত। 5-1-1 এ কল করুন, <http://www.511ny.org/> এ যান বা আইটিউন্স বা গুগল প্লে থেকে বিনামূল্যে 511NY মোবাইল অ্যাপটি ডাউনলোড করুন। বিনামূল্যের পরিষেবার সাহায্যে ব্যবহারকারীরা সড়কের অবস্থা জেনে নিতে পারবেন, ট্রাফিক ক্যামেরাগুলো দেখতে পারবেন এবং এয়ার ও ট্রানজিটের তথ্যের লিঙ্ক পেয়ে যাবেন। অ্যাপটিতে এখন ড্রাইভ মোডের বৈশিষ্ট্য যোগ করা হয়েছে, এই মোডে ব্যবহারকারী তার বেছে নেওয়া সড়ক ধরে গাড়ি চালানোর সময়ে অ্যালার্ট শুনতে পারবেন, যেকোনো দুর্ঘটনা অথবা কনস্ট্রাকশনের কথা তাদের জানিয়ে দেওয়া হবে।

চালকরা যদি কোন অনুষ্ঠানে যান যেখানে মদ্যপান করার সম্ভাবনা আছে তাহলে ডিপার্টমেন্ট অফ মোটর ভেহিকেলসের (Department of Motor Vehicles, DMV) তরফ থেকে আপনাকে এবং সকল গাড়ি চালকদেরকে নিরাপদে বাড়ি ফেরার রাস্তা খুঁজে নিতে [হ্যাভ এ প্ল্যান \(Have a Plan\)](#) অ্যাপ ব্যবহার করতে আবেদন করা হচ্ছে। গভর্নরের ট্রাফিক সেফটি কমিটি এবং NYS STOP-DWI ফাউন্ডেশনের তরফ থেকে নিয়ে আসা এই ফ্রি অ্যাপটি আপনাকে ড্রাইভার নিয়োগ

করতে, ট্র্যাক্সি ভাড়া করতে অথবা অন্য কারোর সাথে শেয়ার করে যেতে সাহায্য করবে এবং মদ ইত্যাদি পান করে গাড়ি চালালে কী পরিণতি হতে পারে তা জেনে নিতে সাহায্য করবে। আপনি যদি কাউকে মদ পান করে অথবা নেশাগ্রস্ত হয়ে গাড়ি চালাতে দেখেন তাহলে সেই গাড়ি চালকের বিরুদ্ধে এই অ্যাপের মাধ্যমে অভিযোগ জানাতেও পারবেন। Apple, Android এবং Windows স্মার্ট ফোনে ব্যবহারের জন্য অ্যাপটি উপলভ্য।

###

অতিরিক্ত তথ্য পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসারস্ক্রাইব করুন](#)